



Broj: 02-02-501-4/24
Tuzla, 29.10.2024. godine

TUZLANSKI KANTON
SKUPŠTINA
-n/r predsjednika -

Predmet: Izvještaj o radu – dostavlja se

Na osnovu člana 31. stav (4) Zakona o unutrašnjim poslovima Tuzlanskog kantona, u prilogu Vam na razmatranje dostavljamo Izvještaj o radu Nezavisnog odbora za period januar – juni 2024. godine.

S poštovanjem,

Dostavljeno:

- Naslovu
- Evidenciji
- Arhivi



Predsjednik
Nezavisnog odbora
Anita Petrović
Anita Petrović

TUZLANSKI KANTON
SKUPŠTINA
NEZAVISNI ODBOR

IZVJEŠTAJ
O RADU NEZAVISNOG ODBORA ZA PERIOD JANUAR - JUNI 2024.
GODINE

Tuzla, oktobar 2024. godine

Izvještaj o radu Nezavisnog odbora za period januar - juni 2024. godine

Djelokrug rada Nezavisnog odbora definisan je odredbama Zakona o unutrašnjim poslovima Tuzlanskog kantona („Službene novine TK“ br. 4/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18). Shodno Zakonu, Nezavisni odbor je tijelo Skupštine Tuzlanskog kantona koje provodi postupak izbora i smjene direktora Uprave policije, te vrši nadzor nad njegovim radom. Nezavisni odbor predlaže i godišnju ocjenu rada direktora Uprave policije, prima žalbe na rad direktora Uprave policije, sačinjava detaljan izvještaj o radu direktora Uprave policije svaka tri mjeseca, koji dostavlja ministru i Vladi Tuzlanskog kantona, te sačinjava izvještaj o svom radu svakih šest mjeseci i dostavlja ga Skupštini Tuzlanskog kantona.

Članom 31. Zakona o unutrašnjim poslovima Tuzlanskog kantona propisano je da Nezavisni odbor sačinjava izvještaj o svom radu svakih šest mjeseci i dostavlja ga Skupštini Tuzlanskog kantona.

U navedenom periodu Nezavisni odbor je održao šest (6) redovnih sjednica.

U vršenju obaveze nadzora nad radom direktora Uprave policije, Nezavisni odbor je razmatrao mjesečne informacije o stanju sigurnosti na području Tuzlanskog kantona za prvu polovinu 2024. godine, razmatrao tromjesečne izvještaje o radu direktora Uprave policije za 2024. godinu, te informacije direktora Uprave policije po zaključcima Nezavisnog odbora. Tom prilikom razmatrano je sljedeće:

- Izvještaj o radu direktora Uprave policije MUP TK za period juli - septembar 2023. godine
- Informacija o stanju sigurnosti na području Tuzlanskog kantona za period juli - septembar 2023. godine
- Informacija o stanju sigurnosti na području Tuzlanskog kantona za mjesec novembar 2023. godine
- Prijedlog godišnje ocjene rada direktora Uprave policije MUP TK dostavljen od strane Ministra unutrašnjih poslova TK
- Informacija o stanju sigurnosti na području Tuzlanskog kantona u vezi sa tragičnim događajem u Tuzli od 07.02.2024. godine
- Sačinjen Izvještaj o radu direktora Uprave policije MUP TK za period juli - septembar 2023. godine
- Izvještaj o radu direktora Uprave policije MUP TK za period oktobar - decembar 2023. godine
- Informacija o stanju sigurnosti na području Tuzlanskog kantonaza period oktobar - decembar 2023. godine
- Informacija o stanju sigurnosti na području Tuzlanskog kantona za mjesec decembar 2023. godine
- Informacije o stanju sigurnosti na području Tuzlanskog kantona period januar - decembar 2023. godine
- Informacija o stanju sigurnosti na području Tuzlanskog kantona mjesec januar 2024. godine
- Upoznavanje sa Informacijom o sigurnosnoj situaciji na području Tuzlanskog kantona, s posebnim akcentom na tragični događaj koji se dana 07.02.2024, godine dogodio u Tuzli (*Informacija razmatrana na sjednici Skupštine Tuzlanskog kantona 15.02.2024.*

godine), te sa Zaključcima Skupštine Tuzlanskog kantona broj: 01-02-80-91/24 od 15.02.2024. godine

- Sačinjen Izvještaj o radu Nezavisnog odbora za period juli - decembar 2023. godine
- Sačinjen Izvještaj o radu direktora Uprave policije MUP TK za period oktobar - decembar 2023. godine
- Informacija o stanju sigurnosti na području Tuzlanskog kantona za mjesec februar 2024. godine
- Upoznavanje sa zahtjevom Advokatskog društva Suljić
- Razmatranje anonimnih prijava označenih „*prijave na zloupotrebu i nepravilnosti u radu policijskih službenika*“ proslijeđene od strane Ministra unutrašnjih poslova TK i Odbora za žalbe građana MUP-a TK
- Informacija o stanju sigurnosti na području Tuzlanskog kantona za mjesec mart 2024. godine
- Upoznavanje sa Informacijom direktora Uprave policije MUP TK u vezi sa Zaključkom Nezavisnog odbora od 27.02.2024. godine (tragični događaj od 07.02.2024. godine)
- Informacija o stanju sigurnosti na području Tuzlanskog kantona za mjesec april 2024. godine
- Upoznavanje sa Zaključkom Skupštine Tuzlanskog kantona u vezi Izvještaja o radu Nezavisnog odbora za period juli - decembar 2023. godine
- Izvještaja o radu direktora Uprave policije MUP TK za period januar - mart 2024. godine
- Informacija o stanju sigurnosti na području Tuzlanskog kantona za period januar - mart 2024. godine
- Informacija o stanju sigurnosti na području Tuzlanskog kantona za mjesec maj 2024. godine

Na 27. sjednici održanoj 24.01.2024. godine Nezavisni odbor je razmatrao Izvještaj o radu direktora Uprave policije MUP TK za period juli - septembar 2023. godine, te je tom prilikom konstatovano da je izvještajni period rada direktora Uprave policije ušao u godišnju ocjenu rada direktora i da je Nezavisni odbor kroz mjesečne informacije o stanju sigurnosti upoznat sa radom direktora Uprave policije. Diskutovalo se kako u izvještajnom periodu Uprava policije uspješno je savladala sve zadatke, a nemili događaj koji se desio u Gradačcu u avgustu mjesecu je bacio sjenu na ovaj izvještaj. Razmatrana je Informacija o stanju sigurnosti na području Tuzlanskog kantona za period juli - septembar 2023. godine, nakon diskusije članova ista je primljena k znanju. Osim toga, razmatrana je i Informacija o stanju sigurnosti na području Tuzlanskog kantona za mjesec novembar 2023. godine, te je ista nakon diskusije članova, primljena k znanju. Na sjednici su se članovi upoznali da je Zaključkom Skupštine Tuzlanskog kantona Izvještaj o radu Nezavisnog odbora za period januar - juni 2023. godine prihvaćen. Također, Nezavisni odbor je upoznat sa prijedlogom godišnje ocjene rada direktora Uprave policije MUP TK dostavljenim od strane Ministra unutrašnjih poslova i Odlukom Vlade Tuzlanskog kantona o ocjeni rada direktora Uprave policije za period od 01.12.2022. godine do 30.11.2023. godine.

Na 28. sjednici održanoj 27.02.2024. godine razmatran je Izvještaj o radu direktora Uprave policije MUP TK za period oktobar-decembar 2023. godine. Sjednici je prisustvovao i direktor Uprave policije Dževad Korman, koji je u uvodnom izlaganju

kao jednu od najznačajnijih aktivnosti iz navedenog perioda istakao da je na poziv Američke ambasade u BiH prisustvovao Konferenciji šefova policije svijeta, kao jedini predstavnik iz Federacije BiH. Razmatrana je Informacija o stanju sigurnosti na području Tuzlanskog kantona za period oktobar-decembar 2023. godine, koja je nakon diskusije članova primljena k znanju. Osim toga, razmatrane su i Informacije o stanju sigurnosti na području Tuzlanskog kantona za mjesec decembar 2023. godine, te Informacija o stanju sigurnosti na području Tuzlanskog kantona za januar-decembar 2023. godine, nakon rasprave predmetne informacije su primljene k znanju. Posebna pažnja posvećena je razmatranju informacija o stanju sigurnosti na području Tuzlanskog kantona za mjesec januar 2024. godine s obzirom da se ista odnosi na tekući godinu i nije do sada obrađivana kroz izvještaje. Sa sadržajem navedene informacije članove je upoznao direktor Uprave policije koji je istakao da u tom periodu stanje sigurnosti u svim segmentima ima tendenciju poboljšanja. Kantonalnom tužilaštvu je podneseno 250 izvještaja o učinjenom krivičnom djelu za izvršenih 290 krivičnih djela, što je, u odnosu na decembar 2023. godine, manje za 19 krivičnih djela ili 6,1%. U oblasti javnog reda i mira zabilježeno je 115 prekršaja što je za 61 djelo ili 34,7% manje u odnosu na decembar 2023. godine, a kada je u pitanju sigurnost u saobraćaju zabilježene su 223 saobraćajne nezgode što je za 74 saobraćajne nezgode ili 24,9% manje u odnosu na decembar 2023. godine. Direktor Korman je istakao i da je na sastancima policijskih komesara i direktora policije iz Federacije BiH održanom u Ljubuškom sigurnosna situacija u Federaciji BiH ocijenjena zadovoljavajućom, a ista ocjena je iznesena i na sastanku direktora Uprave policije MUP-a TK sa šefovima policijskih uprava sa područja Tuzlanskog kantona. Na sjednici Nezavisni odbor je upoznat i sa Informacijom o sigurnosnoj situaciji na području Tuzlanskog kantona, s posebnim akcentom na tragični događaj koji se dana 07.02.2024. godine dogodio u Tuzli, a koja je razmatrana i na 19. sjednici Skupštine Tuzlanskog kantona - hitnog karaktera, 15.02.2024. godine, a na kojoj su doneseni i određeni zaključci. Sjednici je prisustvovala i Dijana Stevanović, policijski savjetnik pri Delagaciji Evropske unije/Ured Specijalnog predstavnika EU za BiH, koja je povodom navedene tačke i rasprave povodom iste istakla da Evropska unija/Ured Specijalnog predstavnika EU za BiH pomno prati situaciju, te da je bilo kakv uticaj na profesionalni rad policije u suprotnosti sa najboljim EU praksama. Uprava policije MUP-a Tuzlanskog kantona je, prema riječima gospođe Stevanović, kredibilan partner u procesu unapređenja međunarodne međupolijske saradnje. Najavila je da će krajem aprila biti održan forum međunarodnih policijskih atašea zaduženih za BiH, a domaćin ovog susreta bit će Uprava policije MUP-a TK, odnosno direktor ove Uprave čime će Tuzlanski kanton biti prvi kanton s kojim će se krenuti u tom procesu unapređenja saradnje. Nakon diskusije povodom predmetne informacije Nezavisni odbor je usvojio sljedeći Zaključak:

1. Nezavisni odbor, u okviru zakonskih nadležnosti, redovno razmatra informacije o stanju sigurnosti vezano za stanje kriminaliteta, javnog reda i mira, sigurnosti saobraćaja i drugih sigurnosnih oblasti na području Tuzlanskog kantona, kao i periodične izvještaje o radu direktora Uprave policije MUP TK, te na osnovu navedenog smatra da je sigurnosna situacija na području Tuzlanskog kantona zadovoljavajuće.

2. Nezavisni odbor smatra da Uprava policije MUP TK, na čelu sa direktorom Uprave policije, odgovorno, savjesno i profesionalno obavlja poslove i zadatke u okviru svojih nadležnosti, a u skladu sa postojećim ljudskim, materijalnim i drugim resursima kojima trenutno raspolaže. U vezi za tragičnim događajem od 07.02.2024. godine (ubistvo Amre Kahrimanović) Nezavisni odbor traži od direktora Uprave policije MUP TK, da nakon provedenih unutarnjih istraga Nezavisnom odboru dostavi informaciju.

Na 29. sjednici održanoj 26.03.2024. godine Nezavisni odbor je jednoglasno prihvatio tekst sačinjenog Izvještaja o radu direktora Uprave policije za period juli-septembar 2023. godine, i isti je u skladu s odredbom člana 43. stav 2. Zakona o unutrašnjim poslovima Tuzlanskog kantona dostavljen Vladi Tuzlanskog kantona i Ministarstvu unutrašnjih poslova Tuzlanskog kantona. Osim toga, razmatrana je Informacija o stanju sigurnosti na području Tuzlanskog kantona za mjesec februar 2024. godine, koja je nakon rasprave primljena k znanju. Razmatran je i zahtjev Advokatskog društva Suljić, tom prilikom je istaknuto da su o događajima o kojima u svom dopisu navodi advokatstvo društvo upoznate nadležne institucije, odnosno policija i tužiteljstvo, te da je istraga u toku. Imajući to u vidu Nezavisni odbor je jednoglasno zaključio da nije u mogućnosti poduzimati bilo kakve radnje po ovom zahtjevu, te ga je primio k znanju i o tome obavijestio navedeno advokatsko društvo. U okviru dnevnog reda razmatrana je anonimna prijava „*prijave na zloupotrebu i nepravilnosti u radu policijskih službenika*“ prosljeđena od strane Ministra unutrašnjih poslova Tuzlanskog kantona i Odbora za žalbe građana MUP-a Tuzlanskog kantona. Tom prilikom je konstatovano da Nezavisni odbor nije tijelo koje može provoditi bilo kakve istražne radnje i provjere, s tim u vezi, usvojen je Zaključak da se anonimna prijava u vezi sa radom Direktora policije MUP-a Tuzlanskog kantona prosljeđi Kantonalnom tužilaštvu. Na kraju sjednice članovi su upoznati da je predsjednica Nezavisnog odbora imenovala u interesornu radnu grupu čiji je zadatak shodno Zaljučku br. 6. Skupštine Tuzlanskog kantona od 15.02.2024. godine da izvrši analizu svih akata MUP-a TK, Krivičnog zakona FBiH i Zakona o krivičnom postupku FBiH, te predloži njihove izmjene i dopune, a sve u cilju podizanja stepena sigurnosti svih građana TK-a i FBiH.


Na 30. sjednici održanoj 23.04.2024. godine razmatrana je Informacija o stanju sigurnosti na području Tuzlanskog kantona za mjesec mart 2024. godine. U okviru rasprave istaknuto je da postoji potreba da se u narednom periodu, u skladu sa mogućnostima Uprave policije, pojača nadzor i kontrola motocikala u predstojećem ljetnom periodu jer se očekuje veće frekvencija istih saobraćaju. U cilju unapređenja sigurnosti u Tuzlanskom kantonu naglašena je potreba popunjavanja MUP-a Tuzlanskog kantona adekvatnim brojem policijskih službenika kao i rješavanje problema činovanja i na taj način osiguranja neophodnog broja policijskih inspektora. Dogovoreno je da se o ovim sugestijama i inicijativama razgovara na nekoj narednoj sjednici kada se očekuje i prisustvo direktora Uprave policije MUP-a Tuzlanskog kantona. Nakon završene rasprave Informaciju o stanju sigurnosti na području Tuzlanskog kantona za mjesec mart 2024. godine primljena je k znanju. U okviru dnevnog reda Nezavisni odbor je upoznat sa Informacijom direktora Uprave policije MUP-a Tuzlanskog kantona u vezi sa zaključkom Nezavisnog odbora od 27.02.2024. godine (tragični događaj od 07.02.2024. godine – ubistvo Amre Kahrmanović). Tom prilikom je konstatovano da je iz Informacije vidljivo da je Jedinica za profesionalne standarde Uprave policije MUP-a Tuzlanskog kantona okončala interne postupke protiv Elvisa Ćustendila, policijskog službenika Operativnog centra Uprave policije MUP-a Tuzlanskog kantona i Samira Šećerbegovića policijskog službenika - načelnika Operativnog centra Uprave policije MUP-a Tuzlanskog kantona, te da su nakon dobivene saglasnosti direktora Uprave policije disciplinskom tužiocu MUP-a Tuzlanskog kantona dostavljene inicijative za pokretanje disciplinskih postupaka protiv navedenih policijskih službenika. Vezano za navedenu Informaciju članovi Nezavisnog odbora su od strane predsjednice upoznati sa aktivnostima interesorne radne grupe, te sadržajem radnih sastanaka. Nakon završene rasprave Nezavisni odbor je Informaciju

direktora Uprave policije MUP-a Tuzlanskog kantona u vezi sa zaključkom Nezavisnog odbora od 27.02.2024. godine (tragični događaj od 07.02.2024. godine – ubistvo Amre Kahrimanović), primio k znanju. Na sjednici je u okviru tekućih pitanja diskutovano o potrebi unapređenja rada policije u zajednici, posebno kroz veći angažman u školama, odnosno edukativni rad sa učenicima.

Na 31. sjednici održanoj 28.05.2024. godine razmatrana je Informacija o stanju sigurnosti na području Tuzlanskog kantona za mjesec april 2024. godine, koja je nakon rasprave primljena k znanju. Nadalje, Nezavisni odbor je upoznat sa Zaključkom Skupštine Tuzlanskog kantona kojim se prihvaća Izvještaj o radu Nezavisnog odbora za period juli-decembar 2023. Na sjednici članovi Nezavisnog odbora su se osvrnuli na tragični događaj od 19.05.2024. godine u Tuzli, kada je muškarac ubio suprugu i dvoje maloljetne djece, a potom izvršio samoubistvo. Istaknuto je da je, nažalost, Tuzlanski kanton na širem prostoru posljednjih mjeseci prepoznat po tragičnim događajima brutalnih ubistava. Članovi Nezavisnog odbora diskutovali su o potrebi edukacije, u cilju prevencije svih oblika nasilja, te o ulozi policije u svemu ovome, čija je uloga, primarno ipak represivna.

Na 32. sjednici držanoj 25.06.2024. godine razmatran je Izvještaj o radu direktora Uprave policije MUP-a Tuzlanskog kantona za period januar-mart 2024. godine i Informacija o stanju sigurnosti na području Tuzlanskog kantona za period januar-mart 2024. godine. Nakon rasprave u kojoj je posebno istaknuta saradnja Uprave policije sa drugim policijskim agencijama i predstavnicima međunarodnih i drugih institucija u izvještajnom periodu, normativnoj djelatnosti i edukaciji policijskih službenika, te edukacijama koje je policija provodila u školama. Istaknuta je činjenica da je različite edukacije prošlo oko 230 policijskih službenika, te da su se teme tih ali i edukacija u školama, odnosile na prevenciju nasilja, a posebno međuvršnjačkog i porodičnog nasilja, na što već duže vrijeme, kao potrebu, ukazuje i Nezavisni odbor. Također, članovi su raspravljali o ulozi policiji u prevenciji saobraćajnih nesreća, te korištenju radara i „presretača“ na putevima u TK-a. Pored toga, razmatrana je Informacija o stanju sigurnosti na području Tuzlanskog kantona za mjesec maj 2024. godine, gdje je konstatovano da je u određenim segmentima situacija po pitanju sigurnosti u maju 2024. godine bolja, dok je u nekim segmentima lošija u odnosu na isti period prošle godine. Članovi su diskutovali i o problemu blagovremenog školovanja policijskih službenika na policijskoj akademiji, te o eventualnoj mogućnosti pokretanja policijske akademije u Tuzlanskom kantonu. Nakon rasprave Informacija o stanju sigurnosti za mjesec maj 2024. godine primljena je k znanju. U okviru tekućih pitanja raspravljalo se o problemu na koje, putem različitih kanala komunikacije, ukazuju građani Tuzlanskog kantona, a tiču se gužvi na šalterima Ministarstva unutrašnjih poslova Tuzlanskog kantona na kojima se izdaju lični dokumenti, te kažnjavanju za nepropisno parkiranje u blizini Univerzitetskog kliničkog centra Tuzla, gdje građani odlaze zbog liječenja, a nažalost nisu obezbijeđeni adekvatni kapaciteti za parkiranje.

Broj: 02-02-501-3/24
Tuzla, 29.10.2024. godine



Predsjednica Nezavisnog odbora
Anita Petrović
Dr. sc. Anita Petrović, dipl. pravnik